

5-AMALIY MASHG'ULOT. UNIVERSITET ICHKI TARTIB QOIDALARI XAQIDA TUSHUNCHA. TALABALARNING HUQUQI VA VAZIFALARI.

Amaliy mashg'ulot maqsadi: *Talabalarda universitet ichki tartib qoidalari to'g'risidagi tushunchalarni shakllantirish*

Guliston davlat universitetining odob - axloq qoidalari

Guliston davlat universiteti (bundan buyon matnda Universitet deb yuritiladi)ning odob-axloq namunaviy qoidalari O'zbekiston Respublikasining Konstitutsiyasi, "Kadrlar tayyorlash milliy dasturi to'g'risida"gi, "Ta'lim to'g'risida"gi, "Yoshlarga oid davlat siyosatining asoslari to'g'risida"gi va "Axborot erkinligi prinsiplari va kafolatlari to'g'risida"gi qonunlar, Vazirlar Maxkamasining "O'zbekiston Respublikasi ta'lim muassasalarida mobil telefonlardan foydalanishni tartibga solish chora-tadbirlari to'g'risida" gi 2012 yil 21 maydagi 139-son qarori, Vazirlar Maxkamasining "Davlat boshqaruvi organlari va mahalliy ijro etuvchi hokimiyat organlari xodimlarining odob-axloq namunaviy qoidalarini tasdiqlash to'g'risida" gi 2016 yil 2 martdagi 62-son qarori, Oliy va o'rta maxsus ta'lim vazirligining tegishli qaror va buyruqlari, universitetning Ustavi, ichki tartib qoidalari hamda umume'tirof etilgan ma'naviy va axloqiy tamoyillar asosida ishlab chiqilgan.

Talabalarning universitetda yurish-turish qoidalari:

1.Universitet hududida kiyim-bosh toza va but bo'lmog'i zarur (kiyim dazmollangan, soch taralgan, soqol-mo'ylov olingan; talabalar kostyumda, galstukli, poyafzal toza bo'lishi, talaba qizlar esa orasta, sipo, iboli va ayni vaqtda zamonaviy kiyinishlari maqsadga muvofiq).

2.Universitet hovlisida, bino ichkarisida, o'quv xonalari va zallarida, yo'laklarda, binosi, xonalari va hovlilarida ozodalikni saqlash birinchi darajali talab hisoblanadi. SHu bois pista chaqish, chekish va hokazolar man etiladi

3.Universitet uskuna-jihozlari, aslaha-anjomlariga ehtiyotkorona munosabatda bo'lish, uni ko'z qorachig'iday saqlash har bir talabaning muhim burchidir.

4.Universitet hududi va binolarida shovqin-suron ko'tarish va noo'rin xatti-harakatlarga yo'l qo'ymaslik - asosiy talablardandir.

Talabalarning huquq va majburiyatlari

Talabalar quyidagi huquqlarga ega:

- Universitetning kompyuter xonalari, kutubxonasi, o'quv zallari, shuningdek, sportinshootlari, madaniy va turar-joy bazalaridan foydalanish;

- Universitet kafedralarida talabalar ilmiy jamiyati olib borayotgan ilmiy-tadqiqot ishlarida ishtirok etish;

- Amaldagi qonun, reyting nazorati natijalari va institutning ijtimoiy hayotida faol ishtirok etib imtiyozli stipendiyalar olish;

- Sport mashg'ulotlari va boshqa havaskorlik to'garaklarida ishtirok etish.

Talabalarning majburiyatlari

- Mamlakatimiz ichki va tashqi siyosatini qo'llab-quvvatlash, uni to'liq tushunish va vatanparvar bo'lish;
- Tanlagan mutaxassisligi bo'yicha nazariy bilimlar va amaliy ko'nikmalarni muntazam va chuqur egallab borish;
- O'zining ma'naviy va ma'rifiy, ilmiy-madaniy saviyasini oshirib borish;
- O'quv mashg'ulotlariga qatnashish va o'quv rejasi hamda dasturlarida ko'zda tutilgan barcha topshiriqlarni belgilangan muddatlarda bajarish;
- Ijtimoiy foydali mehnatda faol ishtirok etish;
- Universitet hamda «Talabalar turar joyi» ichki tartib-qoidalariga rioya qilish;
- Talabalar va professor-o'qituvchilar hamda xizmatchilar bilan o'zaro xushmuomalada bo'lish;
- Barcha mashg'ulotlarga qatnashish va o'quv jadvalida ko'zda tutilgan barcha turdagi topshiriqlarni belgilangan muddatda bajarish;
- Universitet binosidagi va «Talabalar turar joyi» dagi mulklarga ehtiyotkorona munosabatda bo'lish;
- Tashkiliy, ommaviy-siyosiy va tarbiyaviy ishlar ko'nikmasini egallash, ilmiy va siyosiy bilimlarni targ'ib etishda, shuningdek, universitetda o'tkazilayotgan jamoatchilik tadbirlarida qatnashish.

Guruh etakchisining vazifalari:

- Har bir talabaning davomatini jurnalda qayd etib boradi;
- Guruh talabalarining ma'ruza va amaliy mashg'ulotlar paytidagi intizomini, shuningdek, o'quv jihozlarining yaxshi saqlanishini nazorat qiladi;
- Guruh talabalar uchun darslik va o'quv qo'llanmalari o'z vaqtida olinishini, ularning talabalar orasida taqsimlanishini tashkil etadi;
- Fakultet dekani tomonidan jadvalga kiritiladigan o'zgarishlar haqida talabalarni o'z vaqtida xabardor qiladi;
- Guruh bo'yicha har kuni tartib bilan navbatchi tayinlaydi.

Izoh: Talabalar davomatini nazorat qilish maqsadida har bir guruh uchun belgilangan shakldagi jurnal joriy etilgan bo'lib, u dekanatlarda saqlanadi, bu jurnal har kuni mashg'ulotlar boshlanishi oldidan tegishli qaydlar qilish uchun guruh etakchisiga beriladi.

O'quv ichki tartib - intizomini buzganligi uchun talabalarga quyidagi jazo choralaridan biri qo'llanishi mumkin:

- a) hayfsan;
- b) qat'iy hayfsan;
- v) etkazilgan moddiy zarar miqdorida jarima solish;
- g) «Talabalar turarjoyi» ichki tartib qoidalarini buzganlar «Talabalar turar joyi» dan chiqarib yuboriladi;

d) quyidagi hollarda talabalar safidan chetlashtirish jazosi qo'llanadi:

- 74 soatdan ortiq darsga sababsiz kelmagan taqdirda;
- Universitet ichki-tartib qoidalarini qo'pol ravishda buzganda;
- Darslarni o'zlashtirmagani uchun;
- YAkuniy nazorat va test sinovi vaqtida boshqa talabalar uchun imtihon topshirganda.

Ma'naviy-axloqiy qoidalar:

1. Har bir talaba o'zining namunali xulqi, odob-axloqi bilan o'zini ko'rsatishi, boshqalarga namuna bo'lishi lozim.

2. Barcha yaxshi insoniy fazilatlar - xushmuomalalik, kamtarlik, halollik, poklik, vijdonlilik, to'g'riso'zlik, sog'lom fikrlilik va adolatli bo'lish alabalik davrining bebaho boyligi bo'lib qolishi kerak.

3. Milliy qadriyatlarimizni ulug'lash, ma'rifat va madaniyat, davlat va jamoat arboblarning, ulug' ustoz allomalarimizning namunali hayot tarzlari bilan muntazam tanishib borish talabalarning muhim vazifasidir.

4. Kattalarga hurmatda, ayollar va kichiklarga izzatda bo'lib, ular bilan salomlashganda quyidagi qoidalarga amal qilmoq lozim:

a) yoshi katta yoki keksa kishilar bilan ko'rishganda ulardan oldin ko'rishmoq uchun hamda yigitlar qizlar bilan salomlashganda qizdan avval unga qo'l uzatmaslik;

b) o'zingizdan yoshi kichik bo'lganlarning salomiga alik olishlik, ular bilan salomlashganda takaburlik qilmaslik;

v) ikki yoki undan ortiq kishi suhbatlashib turganda salomlashish uchun ularning suhbatini bo'lmaslik yoki ularning suhbatiga aralashmaslik.

5. Kursdoshingiz, do'stingiz darslarga kelmay qolganda undan xabar oling, sababini guruh etakchisiga, dekanatga o'z vaqtida etkazing.

6. Kursdoshingiz, do'stlaringizdan birortasining tobi qochib qolganda yoki boshiga musibat tushganda holidan xabar oling, imkoniyatingizga qarab moddiy va ma'naviy yordam bering.

7. Universitet professor-o'qituvchilari va xodimlarining, kursdoshlaringizning, do'stlaringizning ishonchini oqlashga intiling, ularning e'tiboridan chetda qolmaslik uchun harakat qiling

Nazorat savollari:

1. Nima uchun odob -axloq qoidalari ishlab chiqariladi?
2. Ma'naviy-axloqiy qoidalari deganda nimalarni tushunasiz?

3. Talabalarning huquq va majburiyatlari nimalardan ibarat?
4. Talabalarning universitetda yurish-turish qoidalarini aytib bering?
5. Sizingcha talabalar odob-axloq qoidalarini qanday tartibda amalga oshirilishi lozim deb o'ylaysiz ?

TOPSHIRIQ

FSMU texnologiyasi orqali mavzu yuzasidan olgan bilimlaringiz asosida fikrlaringizni bayon eting

FSMU TEXNOLOGIYASI

